

完卷詩集序

夫詩自魏晉以下莫盛於唐唐之詩如李杜二  
家不可及已其餘誦其詞亦莫不清婉和暢蕭  
然有出塵之意其體裁不越乎當時而世似相  
隔其情景皆在乎目前而人不能道是以家傳  
其集論詩者必曰唐人唐人云抑唐人何以能  
此由其蓄于胸中者有高趣故寫之筆下往往  
出於自然無雕琢之病如韋柳又其首稱也世  
傳應物所至焚香掃地而子厚雖在遷謫中能  
窮山水之樂其高趣如此詩其有不妙者乎完





菴先生劉公少爲刑部屬出僉山西按察司事  
居三載即棄官歸吳中年始五十耳公神情蕭  
散無冠裳之累其家長洲之野江湖之上日玩  
雲水不足引水爲池累石爲山號小洞庭與客  
登眺以樂興至輒瞪目爲吟哦聲其詩專法唐  
人語多與合當時所與倡和者武功徐公參政  
祝公及隱士沈石田數人而已自公之沒而徐  
祝二公相繼下世吳中風流文雅不可復見矣  
予於公爲後輩而託交久成化辛卯予北上與  
公別明年公遂不起竊恨之於是公之曾孫布

登進士第既喜公之有後而布嘗輯公詩名完  
菴集者請序則又喜其詩之不亡也完菴者公  
歸田時號也自以保其身名幸而無虧如玉返  
璞以全其真觀公晚節之善如此又唐人王右  
丞輩有不可及者其詩僅百篇所遺者尚多讀  
者如得其爲人則又奚以多爲哉弘治十七年  
夏五月朔旦資善大夫掌詹事府禮部尚書兼  
翰林院學士延陵長洲吳寬序





完菴集

顏孝子詩并小叙

顏孝子季栗執父喪哀毀五日而沒或謂其過於厚然過於厚不猶愈於薄立為人子者能以季栗之心為心則風俗歸厚而逆理亂常之徒削迹於世矣此君子於季栗所以雖抑其過而必揚其善也其季子昌持翰林陳君緝熙所著孝子傳之余請言遂撫傳中事拚為五題、各系之以詩附諸卷末以俟采風者觀焉



中秋詠月

中秋之月皎、其光我思二親在天一方欲往  
從之道阻且長願為黃鵠隨風以翔斐然成詩  
我心孔傷

聞喪奔赴

惟鴈有書來自西隅云我母氏棄我諸孤子惡  
當減母有何辜哀號仰天邈不可呼清晨于邁  
雨雪載途悠、山川我心若劓

函骨歸葬

秦關我、渭水溶、母骨在函憂心冲、行荷

于肩渡捧於胸既還於鄉馬鬣其封子孫繩、  
展省不窮

迎父歸養

父昔在戎亦孔勞瘁令我迎養庶幾無愧謀我  
兄弟女惜爾費戒我室人毋薄爾味既有旨酒  
亦有肥羜飲之食之惟其所嗜介以眉壽黃者  
台背

繼父以沒

嗟、我父天不憖遺父既亡只子生何為豈曰  
無食而我弗飢豈曰無漿而我弗思一陟一降



時復見之彼蒼者天莫知我悲

睽彼庭樹風吹不息親不逮養子何報德皋魚  
之言是刑是式五日而斃在父極則彼何人斯  
證父為直彼何人斯慮有德色頰波橫流砥柱  
岷太史作傳勒之金石於千萬年孝子不沒

得徐尚賓陞兵部郎中信喜而賀之

塞鴈南飛日書來見故情大夫新拜寵高士舊  
知名官簡餘閒少心勞太瘦生春風阿閣上重  
聽鳳凰鳴

先月樓

夜々南樓月先來照酒卮君家自近水天意本  
無私對白鳥驚早窓明燭到遲望舒如有約不  
用待多時

遊洞庭

泊舟銷夏灣跨馬羅漢寺心空悟禪語衣澗看



山氣歸明紅。蓮花路暗青。松樹一咲出東林。清風送歸去。

山西送直兒還家

霜臺一杯酒去住各沾纓。遠道鄉關。林夕衰年。父子情。青山成晉驛。紅樹闔城。汝叔如相問。歸田賦已成。

紫霞洞

欲把桃源比桃源。迥不同地。能開秘藏。我亦有仙風。龍臥一泓冷。雲來雙竅通。好詩吟不盡。歸寫畫圖中。

過沈石田有竹居次徐天全韻

烟水微茫外。舟行一舍餘。既覓沈東老。還尋陶隱居。冰絃三疊弄。雪纈八分書。醉和陽春曲。空踈愧不如。

積慶堂

隱君栖息處。門對玉山岑。處世惟行義。傳家不在金。舊書兒解讀。芳譽士俱欽。借問燕山桂。何年發故林。

叅寥泉

潛老栖禪處。坡仙作郡時。孤峰與世隔。五馬入



林遲泉煮杯餘茗碑刊夢舊詩悠々四百載吊  
古不勝思

借騎於徐遊包山

南州雪色馬借我看山行深處不一到好花空  
自明酒邊雙鬢老物外一身輕婚嫁年來畢何  
慚向子平

送吳匏菴會試

秒闈名已動鄉閭得意重驅北上車辭父暫拋  
萊子服致

君今用伏生書香飄

玉陛傳臚處露濕金花錫燕餘老我閒居憶知  
已好音頻寄莫教踈

送徐天全再赴張湫二首

手足胼胝兩鬢秋功成深慰

至尊憂竒文五色驅妖鰐砥柱千年障橫流載  
月仙槎纔北上冒寒驄馬復南遊垂名竹帛中



丞志不在分封萬戶侯

天語新承寵任專御爐烟裡玉階前  
鹽梅自昔堪調鼎舟楫于今已濟川  
麟閣曉雲隨彩筆鶴京春酒醉瑤筵  
贈行分得烏絲錦江漢皇華馮數篇

玉岑道中有懷徐天全

啜茗焚香興不慳出門殘照滿青山  
千章古木知誰種一路沅泉送我還  
白髮肯辭今日醉紅塵能有幾人間  
題詩報與天全老只欠君遊紫翠間

壽徐天全八詠

脫屣名區

鐵券丹書柱石臣掛冠今值太平春  
黃金殿上辭明主白玉堂中別故人  
飛夢已先隨鹿豕圖形何必待麒麟  
憑誰報與河陽令歸路無勞復望塵

游心物表

燮理功成入翠微古來明哲似君稀  
數編仙籙從頭註一片閒情與世違  
老鳳自依珠樹宿冥



鴻長近碧天飛白頭却咲玉丞相猶愛金籠放  
雪衣

放歌林屋

瑤液新篳貯滿瓢洞天深處恣逍遙長歌隱士  
紫芝曲相和神仙碧玉簫月照石床雲不斷風  
生琪樹葉皆飄蟠桃忽報花如錦飛度瑤池酒  
未消

濯足太湖

筆牀茶竈寄孤蓬逸興春來似酒濃足濯太湖  
三萬頃氣吞喬岳幾千重銀濤亂湧翻明月鐵

笛橫吹起臥龍回首雙鳧飛碧落漁郎何處覓  
仙踪

草閣集方

草閣閒來理舊囊手抄寧厭字千行全無政府  
清涼散半是仙家却老方濟世欲將三代比用  
心非在一身康初辰小試餐霞術絕勝青精煮  
作糧

綠野清遊

柳岸陰、抱郭斜肩輿長日興無涯天平近謁  
忠宣廟南里遙尋魯望家坐倒綠樽休蕙草步



随流水入桃花清時處、耽行樂不種東陵五色瓜

芳園獨樂

翠壁紅泉竹遶籬午橋那得更清奇藥苗出土  
間堪辨花氣熏衣醉不知迂叟記成猶昨日  
人機息已多時白雲不好持相贈莫怪年來只  
自怡

逍遙壽域

帝德光華壽域開熙、無處不春臺坐歌院落  
神仙醉錦綉江山宰相來玉對自随天地老牡

丹誰為子孫栽  
九陔

更有明朝約鶴背相將上

陪徐天全遊城西諸峯

琴臺石屋恣躋攀上相襟懷豈等閒一路兒童  
皆拍手幾人風雨亦登山乳泉分入茶壚內瑤  
草收來藥籠間直把天平作盤谷煙霞高臥不  
知還

送參政俞

送君東郭倒離觴奏績誰如姓字香河洛幾年  
歌豈弟



朝廷昨夜夢賢良，荷風画舫圖書遠。  
槐雨青油驛路長，粉署賢郎知暫別。  
紫泥行捧入明光。

賀俞士悅司寇致仕

白玉階前拜

玉皇賜歸爭賀沐

恩光尚書已結香山社，丞相新開綠野堂。  
物外烟霞容我老，陌頭車馬為誰忙。  
綠知蕉境春如海，日、邀賓入醉鄉。

送太保陳有鑑致仕

分陝功成兩鬢斑，便陳骸骨動

龍顏。仲翁賸有黃金贍，廣德寧無駟馬還。  
翠栢十園霜後老，白雲一片雨餘閒。  
懸知別後勞清夢，只在蓬萊咫尺間。

葉都憲與中口外八景

赤城晝漏

簾外西風送早寒，漏聲遙聽獨凭闌。  
蓮開玉塞秋無恙，水滴金壺晝不乾。  
晷轉任教鈴外報，記成還憶院中看。  
狂胡未滅頭先白，點、令人不自安。

雲州曉角



慘、寒雲漠、沙五更無地不霜花城頭小隊  
初吹角夢裡征人未到家關月漸低孤影淡塞  
鴻不度一行斜可憐憂國雙蓬鬢鏡裡今朝覺  
更華

獨石春耕

口外山川古戰場清時無事只耕桑懷柔本為  
堯仁洽屯種尤多漢策良春對鳩啼千嶂雨曉  
田牛去一犁霜將軍講武還蒐獵昨日彤弓殪  
白狼

馬營夏牧

西峪曾經問俗過馬羣一望接鵬窠文公謾說  
三千富毛仲羞稱十萬多沙上放來肥首宿雪  
中騎去取蓬婆奚官指點罷媒說曾道金輿渡  
玉河

東庄秋籟

雲輜于兩出皇州流馬奚須次武侯駟騎夜馳  
忘寢食塞坦秋散有歌謳封倉不費參軍計煮  
弩何煩校尉憂兵食年、勞

聖慮報恩須斬月氏頭

西衛冬衣



製自冬官費萬金綉衣馳賞奉綸音風高正賴  
縫紉密氣銳全憑作養深環甲有心看寶劍枕  
戈無夢逐清礎軍容整一周宣盛儼玃何憂不  
就擒

鳴鶉夜雨

密、疎、聽不窮轅門昏設罷三通漢屯禾黍  
雖震足胡地塵沙未洗空過磧暗迷孤戍火入  
纓寒帶五更風曉來南望長安近瑞日光華處  
處同

長安晴日

嶺上春明物色饒東風凝望思道、山桃浥露  
紅千對沙柳垂烟綠萬條納土使來車軌、度  
關人去馬蕭、

帝城只在南山外紫氣長時射碧霄

送行人金尚德使湖廣

玉珮珊、出紫宸為傳

天語向湖濱仙槎有路寧愁遠舊橐無金不厭  
貧牛渚月明秋練薄匡廬雲斷曉鬟新應知後  
夜停橈處先着菜衣拜老親

葉都憲與中宴集次韻二首



酒逢知己便沉酣不用燈前勸  
再三雪月滿盤供馬乳蜜丸  
開甕試金柑墨君獨愛湖州  
妙草聖爭誇長史耽更約尋  
芳南陌去垂楊拂馬綠  
鳳團烹雪嗽餘酣數到元宵  
是四三市近易沽留客酒路  
遙難致奉親柑長才食祿真  
無愧老眼看花自不耽昨夜  
還家春夢裡門前碧對影  
參、

早朝復用前韻

九重春暖碧桃酣萬國人呼  
萬歲三綉縛已呈

苑馬黃封初進福州柑詞臣應

詩先就

聖主憂民樂未耽大祀南郊  
陳鹵簿霓旌十里影參、

題楊叔璣宜閒堂

龍馬精神鬢未斑相逢何事  
說宜閒平陽政簡終為相定  
遠功成始入關丹鳳只應翔  
日下赤松休信在人間他年  
歸第重開社未必香山勝  
錫山

送楊叔璣侍戶



陌頭楊柳拂香羅漫折烟絲綰玉珂戶口盡歸  
周典籍陽春須布漢山河鶯當別處啼偏又花  
傍離觴落故多清世夔龍滿臺閣狂來欲獻太  
平歌

遊虎丘和錢學士原博韻

仙人騎鶴下瀛洲短簿祠前作勝遊山閣高寒  
簾捲暮海天空濶鴈來秋洞中碁為消閒着石  
上詩因吊古留翫水尋山雖可樂紫泥只恐召  
韓休

遊吳山寶華寺復用前韻

錦綉湖山似十洲重陽未到已先遊向平老去  
偏多興杜牧重來不厭秋行處却憐雲作伴別  
時還愛雨相留呼童摘取芭蕉葉寫得新詩贈  
惠休

和錢學士原博宴朱玉雪池亭韻

水榭風亭列綺筵白頭相見各歡然地偏似與  
三山近人樂無如五福全檀板按歌來竹下黃  
柑薦酒擘霜前鬢篸醉掃三千字渴驥爭奔澗  
底泉

韓都憲永熙重恩堂



柱史封章一度過，誥花又見下鸞坡。貴登三品人非少，寵及雙親世豈多。仙洞碧桃疑湛露，石湖春水漲恩波。橫金注玉高堂上，蔗境其如此樂何。

和韓都憲永熙留別沈陶菴韻

東林池館最清幽，冠蓋頻煩覓舊遊。白酒醉來知幾度，紫泥微起又三秋。天邊湛露何多也，海內遺賢可薦否。使者還朝為相報，陽春一曲少人酬。

陪徐天全夏仲昭遊玉峯次韻

青峰高聳白雲頭，今日來陪上相遊。甫里晚烟縈茂苑，洞庭春水接湖州。山中未乏連城玉，海上空閒萬斛舟。勝會况逢全盛日，蘭亭不減晉風流。

贈夏太常仲昭

乞得

天恩下九關，容臺爭似釣臺閒。白雲不作人間雨，黃鶴惟思海上山。欹枕北窓風澹澹，濯纓西澗水潺潺。大江南去三千里，幾處林泉有客還。壽祝大參惟清。



青瑣芳聲有數車省中今對紫薇花心懸天上  
雙龍闕春滿山西百姓家座客此時看壁  
脯洞仙前日教飡霞願君玉帶橫腰日歸  
泛江南一釣槎

蘭桂同芳再壽祝大參

深黃淺碧懶爭春歲晚空山自結群謝氏好花  
天下少竇家奇對月中分風霜院落偏宜賞錦  
綉衣裳不用熏白首休官逢盛世採芝黃綺不  
如君

送朱憲副父歸和州

首光如電貌如童鄉思逢秋逐短蓬烏府未看  
馳馬客碧山歸伴紫芝翁吟邊宿草隋行殿夢  
裡寒潮宋故宮歲晚吳門逢驛使梅花應得寄  
東風

送陳都憲有鑑再赴陝西

聖書將

命出臺端共喜西陲有一韓枯  
又霑新雨露疲民重拜舊衣冠  
函關月夜雞前度華嶽晴雲  
馬上看

聖主中興圖治切蚤收殊績奏金鑿



送黃棘寺出使

紫禁含香侍翠華口傳

天語到天涯萬方臣妾歌周化八月魚龍避漢  
槎海島只今多蕙艾郵亭自古有琵琶可憐歲  
暮無他贈折得寒梅數朶花

邊靜亭為翁總戎賦

十載威聲震百蠻一亭開向柳陰間金戈淨洗  
邊頭水銅柱高標海外山對月兵書還自讀傍  
花壺矢不曾閒莫言談咲封侯易定遠心勞髮

已斑

壽練侍御從道

戴豸清名重栢臺賜歸雙鬢漸皤、閒庭壘石  
皆詩料老圃栽花半藥材玉塵醉揮教鶴舞  
樓高卧看雲來知君不試食霞術四海于今  
域開

練侍御宅賞牡丹

淡白深紅間淺黃風光都屬綉衣郎一從新譜  
傳吳下懶向時人話洛陽亭館宴餘翻別席綺  
羅歸去剩餘香承平此樂皆  
君賜不似天涯憶故鄉



送陳汝勵赴廣東布政

彤庭月曉御烟浮方伯新除拜

冕旒大匠未遺安厦木雄藩先得濟川舟江邊

浪影搖蒼玉道上棠陰引碧油只恐紫泥教赴

關生祠空立在遐陬

壽邢郡侯父

一經教子入臺端自喜清時賦考槃熊兆未歸

周尚父龍章先賜漢郎官洞中瑤草熏棋局海

上珊瑚拂釣竿八十須知葦間事蟠桃子熟正

小食

和邢郡侯聞鵲韻

燕寢香爐換水沉捲簾明對落花深門無暮夜

懷金客腹有平生許國心騏驥只今空萬馬鳳

凰終古異凡禽循良拜相尋常事鳩鵲何須報

好音

賦得楓橋送憲副劉欽謨

闌干三百與雲齊勢壓江橋處：低朱雀飛來

山兩外彩虹垂在水城西孤舟夜火詩人泊華

表春風貴客題此地逢君乘駟馬只疑平步上

天梯



送姚郡侯更任鎮江

從容冠蓋出黃堂今日諸侯舊省郎纔向吳門  
作霖雨又從京口布春陽袖歸白壁渾無玷移  
去寒梅不改香裁過甕城須下馬坐聽田叟詠  
甘棠

送朱漢房僉事廣西

斗酒城陰醉落暉桂林萬里惜分違張綱奉使  
清名在汲黯遷官直諫稀綉斧三春天祭下文  
星半夜斗南飛懸知荒斥巡行遍民瘼先拈獻  
紫微

寄林郡侯一鶴二首

烏府當年拜美官朝衣整豸立朝端青霄露滴  
朱衣濕白日霜飛鐵面寒折檻尚為  
明主重諫章不與別人看丈夫憂樂關天下出  
守先令一郡安

春風吹雨過江沙京口吳門路不餘燕寢有香  
分別院馬蹄無跡到豪家心長戀闕偏多夢鬢  
為憂民却易華銷盡俸金都奉母一經教子是  
生涯

送徐憲副讓再任山東



冠蓋紛、落照間共傾樽酒醉朱顏  
臺端宿望遷官去天上新恩獻績還  
風送錦帆開北渚雨隨驄馬到東山  
紫泥不久君看捧定立清朝弟一班

送徐尚賓

揚柳閭門雨未乾行人躍馬上長安  
真龍講武開新閣司馬推賢起舊官  
霄漢又看騰踏去交游休嘆別離難  
京華知己如相問留得忠君一寸丹

紫薇精舍為陸大參孟昭賦

度水穿林不憚賒為憐龍耳在烟霞  
數株枯栢即官淚千古清風宰相家  
石壁掃苔看舊刻竹瀝吹火薦新茶  
知君戀闕心猶切夜、山中夢翠華

送友廉使西蜀

外鎮網維屬使君內臺英俊惜離郡  
煩將文紀理輪手去作相如難蜀文  
六月霜花零蔓草九秋鵬鷲破長雲  
多才况值中興日彞鼎行看勒

夢草為張黃門靜之父作



夜深甥館夢悠悠，一度相尋一解憂。  
胡蝶不迷芳渡口，鵲鴿偏戀舊原頭。  
半簾晴色題詩坐，十里幽香載酒遊。  
何處鍾聲忽驚破，滿庭風雨又生愁。

送杜公序西秦脩志

聖主垂衣重典章，遠勞脩志向咸陽。  
文風到處皆鄒魯，事跡收來盡漢唐。  
銀燭課書雲作紙，玉函封進錦為囊。  
懸知太史編摩日，才瞻惟應說杜郎。

送張主事節之還刑部

娟娟玉斝映琅玕，不讓陳家有二難。  
三殿諸君皆進士，兩京馳譽搃刑官。  
池塘夢後添新翠，漢來時聚舊歡。  
明發都門須緩轡，薦書望上金鑾。

送張養政起脩實錄

祖席華觴莫漫傳

至尊當寧正思賢，周家孝友稱張仲。  
漢室文章重馬遷，紫塞地寒知雪徧。  
玉堂天近得春先。

和一代書成後

聖德神功播萬年



送况郡侯二首

先皇擇守在廷臣惟我賢侯第一人  
近向堯天分寵命遠來吳地布陽春  
疲民得濟官租減露豁沾恩義塚新  
今日城西回五馬笑看父老挽朱輪

兩鬢秋霜一寸丹循良蜚譽滿朝端  
化教薄俗為君子薦及寒儒作美官  
庶范來時歌尚在冠恂去日借應難履聲  
又入明光殿補袞殷勤佐治安

送邢遜之赴召

九重飛詔起仙郎三晋山川盡有光  
策學舊聞收董賈史才今喜得班揚  
北門日暖金魚重東觀風微汗簡香  
館職由來兼宰輔早同元凱事虞唐

送曹黃門宗衡省親

官舍寒宵夢問安陳情偏沐聖恩寬  
賜緋着去鄉人羨諫革携歸阿母看  
天上龍章雲作錦洞中仙果玉為盤  
嗟余定省遠來父握手河橋思渺漫

送范主事彥昇父之汝州



桃花舊種滿河陽遠踏雙鳧入

帝鄉天府書曾旌卓魯汝州人喜得龔黃棠陰  
過雨紅塵淨燕寢凝香白晝長別後問安勞尺  
牘九重霄漢有賢郎

馬進士抑之穿山送別

五典三墳滿案堆君才不讓呂東萊池邊夜月  
蘭舟泊花裡春風絳帳開已見陳璠待徐孺還  
期孔子歸田多情似是穿山色飛入離筵送  
別

感馬進士書

月鉞花殘負舊盟璠林仙客若為情數行纒錦  
機中字千古登科錄上名秋草不生理玉恨暮  
砧偏送斷鴻聲煩君再種監田玉阿母高堂待  
作羹

送楊郡侯

澄牋多年著德音分符重沐  
聖恩深陽春有脚來茲郡暮夜無金愧比心風  
雨一麾勞勸諫桑麻千里動歌吟如何便促朱  
輪去又作他方濟旱霖

送陳編脩緝熙



孝行廉名是處聞公門無跡藁無文陳情兩度  
能終制泣血三年不如葦天上星辰丹鳳闕江  
南烟雨白鷗羣官舡一路行休緩祕閣諸儒待  
子雲

贈甘大尹弘濟

老手宜調鼎鼎和暫煩花縣教絃歌疲民盡怨  
來蘇晚當路曾嫌直道多霜冷玉關皆隋葉月  
明珠浦不揚波紫泥早晚君應捧思慕其如去  
後何

送孫庭蘭主事貴州散賞

捷書萬里奏明光已喜王師克兇方周室報功  
昭盛典漢宮將命託仙郎洞庭南去星槎遠太  
白西來鳥道長好向轅門催振旅春風牧馬華  
山陽

送楊宗伯遷南京刑部

中興才際滿清朝簡擢偏承雨露饒周室采詩  
歸呂伯虞庭作士重臯陶雲依北闕心長戀春  
入南都雪盡消白髮致

君知有術上章先請滅天驕

送楊宗伯參政山西



鴈門南下晉遺民保障于今屬縉紳瘠土未消  
千里雪好風先布萬家春明時有策平西虜戀  
闕無眠對北辰留取聲華照青史丈夫端不負  
君親

送陳憲章東廣舉姻

彩衣披拂映花驄此去藍橋有路通蕭史美才  
齊弄玉孟光賢配得梁鴻杯傳合卺銀屏下帶  
結同心錦帳中饋只今知有托庭闈歡笑坐  
春風

送仰大理還吳

棘寺重登荷

聖明賜歸深愜暮年情身如泛梗誰非客官得  
懸車始是榮醉裡鶯花三晦宅夢中霄漢九重  
城懸知報國心長在夜々教兒對短檠

善政錄為王別駕賦

清風明月滿靈臺佐郡爭誇展驥才村巷幾年  
無吏擾海鄉今日有官來黃沙斷岸逢秋築綠  
草荒田趁雨開只恐吳民又無福紫泥微起入

蓬萊

題竹贈項大尹



河陽縣裡花如錦，爭似侯家玉兩竿。直節不容  
塵土染，貞姿偏耐雪霜寒。幾番鳴鳳吹簫和，一  
片晴陰隔座看。百里由來非大路，定須移植近  
金鑾。

題竹贈李二尹

出自淇園得地靈，何年移植近松廳。秋雲着處  
陰初厚，春雨霑時色更青。節下好詩閒便刻，枝  
頭鳴鳳醉還聽。長林落落君須惜，裁管終當入  
舜庭。

送趙進士汝吉

虎榜題名見盡誇，更憐才質玉無瑕。暫歸鄉里  
渾如客，又住京師即是家。舟待潮來方解纜，柳  
當人別故飛花。致君堯舜須才傑，莫使平生負五車。

贈張時勉學諭

白髮談經久未還，東書歸臥舊林泉。自知行古  
難諧俗，人笑官貧不買田。望海立當山頂上看  
松行到寺門前，我來喜結滄浪伴。笑答漁歌並  
釣舡。

賦得南園壽鄭郡博



城下芳園百畝寬，辟疆曾此縱遊看。  
歌童玉笛六樓柳，侍女金盤送牡丹。  
勝事一時經俗眼，清風今日付儒冠。  
我來欲介先生壽，折得桃花上玉盤。

送錢世恒會試

高攀一桂枝，登瀛還及少年時。  
主司自古多名眼，閣下今有白眉。  
楓陛月斜廷對早，杏園春暖宴歸遲。  
都門若遇南來使，寄我湘靈鼓瑟詩。

送鄭教授兼柬其兄長史

齊女門邊接鄭虔，幾多心事酒尊前。  
雲山一別三千里，風雨相思二十年。  
老髮又添新白髮，故家留得舊青氈。  
西遊若遇王門相，說我歸耕負郭田。

送錢僉事壻迎婦還剡州

玉為丰采錦為衣，年少如君眼內稀。  
雀矢已誇前日中，鹿車今喜故鄉歸。  
画橋柳拂仙郎筆，綉閣花生織女機。  
中饋只今知有託，早傳消息報庭闈。

題曹以安進士桂軒



白鶴城西舊隱村  
桂花十里掩衡門  
栽培不以勞筋力  
攀拏從教到子孫  
衣冷翠陰來短榻  
香金粟墮芳尊  
燕山事業傳歌咏  
應許君家待並論

題仇都指揮忠孝卷

前人功業苦難論  
寫得丹青示子孫  
瀚海流戰血  
陰山風雨泣忠魂  
圖形只合減宮並  
武猶憐召虎存  
早晚旌書來日下  
一門忠孝沐君恩

題郭定襄父母孝節卷二首

使回忠義動明光  
玉果金錢出尚方  
千載君臣初際會  
五年夫婦遽存亡  
丸熊有淚看兒德  
割肉無人奉母嘗  
聞說南山瘞雙壁  
慈烏啼殺對頭霜

讀罷穹碑思惘然  
君家夫婦最堪憐  
問安嚴又三千里  
教育孤兒四千年  
風雨不消烏鳥恨  
閨門猶誦柏舟篇  
龍章昨夜天邊下  
分得恩光照九泉

送王給事鉉使滿刺加國

駢々四牡出都城  
南粵休誇陸賈名  
天上詔從



雙闌下海中舡趁一針行  
番王喜拜君恩重  
淵客遙瞻使節榮  
船舫風生是歸日  
帶將重譯到周京

送蔡進士

把酒江亭米夕暉  
好山相對惜分違  
龍章捧下周儀盛  
馬鬣封來漢使歸  
吳苑春光梅獨早  
楚江帆影鴈同飛  
知君指日登臺諫  
獻納殷勤補萬幾

賞牡丹和黎郡博韻

魏公宅理賞竒葩  
春色無如富貴家  
西子薄寒

衣濕露太真微醉  
臉浮霞飛觥不待  
嬌歌送舞袖休將  
老眼遮自是太平多  
樂事三丘徒何以  
益重華

和黎郡博送別韻

白雪黃沙歲暮深  
客邊鄉思竟難禁  
青山不隔還家夢  
明月長懸戀闕心  
春酒一尊留古驛  
故人千里寄新吟  
朝回明日長安道  
又對停雲想

去盡春

答陳醒菴三首

姓名誰為達金鑿  
老去文章盡學錦  
海上魚多



長作客城南田在不思官音書曉託三湘鴈香  
珮秋約九畹蘭昨日壺觴論契濶菊花叢裡得  
盤桓

玉堂仙去白雲鄉更喜風流得仲將紫玉製簫  
吹別調黃金換酒綠愁腸百年天地雙青眼十  
畷園林一舊庄記得去年同看竹水雲深處扣  
僧房

画舫頻過柳外庄南溪原得近東陽風來絕澗  
冰無迹月到空山對有光愁裡得詩如老杜醉  
中揮墨過顛張別來兩月無清約孤山寒梅一

度香

送王同府賦得涉海清軍

浪花堆裡崇明縣開戶時時見蜃樓別駕不來  
天盡處戕民應到海西頭陽春暖逐清軍筆夜  
月寒隨入郡舟此日趨朝綠報績姓名知向

御屏留

送金掌饌掃墓

都門匹馬曉遲遲一路春光總是詩宰木不嫌  
人衣錦家山應笑髮成絲澗邊芳草披雲薦花  
裡輕舟載酒移莫戀蘇湖舊風景廟堂青眼待



多時

和王掌教佑春雨述懷韻

一窓風雨畫蕭々此際孤懷政寂寥  
臥聽鳩聲來屋角坐看苔色到牆腰  
雨簷未盡鶯花老驥足淹留歲月遙  
未許廣文官獨冷故人多少在雲霄

寄項文祥

黃金臺上望君家萬水千山道路賒  
政府別來無簡牘玄都去後有桃花  
尋盟恨乏揚州鶴飛夢空隨漢使槎  
聞說西湖好風月莫教行樂誤

年華

贈黎郡博

芝草蘭花滿室香好詩無愧刻青琅  
燈前教子抄長策馬上逢人問故鄉  
劍氣夜橫低北斗詞源春漲倒瞿塘  
明年諸弟多高選細看泥金字幾行

贈王照府

入幕清名處々傳暫煩製錦向琴川  
孤桐有韻堪消日百姓無心復訟田  
風勁海天蝗不下月明村巷犬長眠  
我來拭目看遺愛留得當時策



馬鞭

賦得蓮幕清風贈王照府

地近黃堂迥絕埃好風吹滿座中來誰知幕裡  
高眠客便是江東獨步才六角不揮金匣閉五  
絃長奏錦囊開晝長料得多清思佳句從教取  
次裁

和王以載韻

一樽携過午門前故舊情深豈偶然興好欲為  
山簡醉才高不作米家顛憂民髮媿春條綠報  
國心隨夜月懸賀我雙親俱白首誥花飛下九

重天

壽徵士沈覲菴

雪作頭顛錦作袍姓名早已列仙曹蔡經慣食  
麻姑脯方朔曾偷阿母桃珠射暖棲孤鳳老玉  
山寒聳一峯高黃眉昨夜傳消息東海揚塵始  
伐毛

沈覲菴西庄賞燈

星斗流光照綺筵不知明月到堂前龍門忽產  
三珠射玉芹初開十丈蓮火底笙歌春似海壺  
中天地夜如年不才愧我陪高會先捧瑤觴壽



老仙

再壽沈覲菴

八十遐齡又六暮我慚初度獨來遲玉桃只許  
東方得紫氣還容令尹知洞裡樓臺年歲樂人  
間甲子一枰碁多情欲釀滄溟水添入年  
壽卮

挽沈覲菴二首

海上青驪去莫追訃音傳得到天涯無人更下  
陳蕃榻有客新題郭泰碑百歲衣冠成大夢五  
湖風月負佳期西庄他日經行處應是羊曇醉

酒時

鄉書傳到晉陽城啓讀俄驚矣老成靖節一生  
多酒債休文千古有詩名松楸自濕賢郎淚風  
雨偏傷遠客情他日南還何處拜赤欄橋畔負  
孤瑩

寄沈同齋

藥欄花迳斷紅塵坐閱昇平五十春覲紙有書  
皆晉體錦囊無句不唐人新圖寫就多酬客美  
酒沽來只奉親昨夜天涯憶君夢西風吹過楚  
江濱



挽陳原錫

重向涓溪覓舊盟  
眼中風物總關情  
聚星堂下花空好  
洗玉池邊草自生  
身世百年成大夢  
文章千古有高名  
墓碑贏得儒臣筆  
不用鄉評說重輕

酬杜東原見寄

杜郎高義薄雲天  
慚我交來最有緣  
花迳藥欄三晦宅  
筆床茶竈五湖舡  
馬山不讓王摩詰  
釋難曾輕魯仲連  
昨日開緘見珠玉  
老年才思益飄然

賦得鹿冠壽杜東原

仙客江陵看獵還  
黃衣分得製為冠  
一万新  
塵難入數點奇文雪  
未乾蕭散肯隨何氏起  
清高不許貢生彈  
杜君儀表添君壽  
却笑狐裘只禦寒

再壽杜東原

珊瑚文彩玉精神  
只訝前身是洞賓  
雙闌未陳推鷓表  
五湖今老釣魚人  
清風薜荔吟邊路  
密雪芭蕉畫裡春  
延綠亭前稱壽日  
笑陪仙子話揚塵



送徐七公子誌

歲暮離情十倍深，梅花正好却分襟。  
青山故國三更夢，黃鵠西風萬里心。  
高士只今推孺子，少年休更悔淮陰。  
輕車明日昆陵道，又向誰歌白雪吟。

和徐七公子壯遊倡和韻二首

子長踪踪子雲才，勝水名山載酒來。  
過楚不題鸚鵡賦，入吳先咏鳳凰臺。  
千金劍向尊前舞，五色花從筆上開。  
為報長卿今已老，詩壇相見莫相猜。

山拭日見儒冠，文彩分明錦一端。  
行古不求先達引，語新多得異書觀。  
覽暉威鳳知天近，破浪神魚識海寬。  
明日肩輿肯相訪，典衣沽酒共盤桓。

送孔誠學還闕里

襟懷落落語溫溫，不問猶知孔聖孫。  
泗上松楸先寵在，壁間蝌蚪舊書存。  
桑乾極目雲千里，薇省論文酒一尊。  
歸去東山春正好，授徒應喜復開門。

壽陳孟賢



綠水園池露氣清  
隱君初度集簪纓  
松枝不入三更夢  
詩卷長留一代名  
碧海仙桃金母送  
絳帷春酒玉人行  
自憐踈懶休官者  
為祝靈椿又  
到城

送孔還山東

素王孫子邁常流  
西渡乘乾作勝遊  
雙壁已成佳壻聘  
一尊重為故人留  
吟壇白雪傾人耳  
歸路青山對馬頭  
傳得太平消息去  
邊城今日似  
中州

養拙為薛時用賦

抱甕辛勤灌未休  
此心應共丈人侔  
蛇曾入画羞添足  
屋得安居任打頭  
寸地不耕留與子  
一壺長醉勝封侯  
垂竿昨日兒童笑  
嬾去敲針下  
直鈎

送鄭僉事子扶母柩歸越

客裡分違乏贈金  
彩箋惟寫蓼莪吟  
寒衣尚有千行線  
春草難酬一寸心  
蘭棹南征滄海近  
柏臺西望白雲深  
遙知廬墓稽山下  
夜、慈烏集  
故林

送錢奉議子行素歸養祖母



瑠枝楚、邁風塵况復青年出語新在客爭誇  
好孫子還家重養太夫人衣沾聖母祠前雨酒  
醉陽關曲裡春回報乘槎天上使冀州今日有  
嚴遵

送周宗盛致仕

倦翼南飛下海天知機那待雪盈顛嵇山不棄  
尋詩屐鏡水能容載酒舡往事十年春夢裡閒  
雲一片晚風前盧鴻畫筆君無忝應有新圖與  
世傳

沈陶菴賞菊二首

落日南山遠送青籬邊覓句和淵明花如去歲  
芳姿好人覺今年老態生醺醪直須鯨吸盡闌  
干不用寶粧成醉歸飛夢知何處五柳庄前月  
二更

木落江南玉露秋錦香亭下得重遊寒花也解  
迎人笑狂客何曾待主留魏相園池空富貴陶  
家籬落自清幽延年不讓仙人杖采入瑤觴奉  
白頭

題沈石田秦淮別意

慷慨襟懷俊逸才壯遊初上鳳凰臺五陵歌舞



無心戀一夜庭闈入夢來木葉暗隨秋露下江  
帆寒逐暮潮開清時莫道功名晚桃李公門次  
第栽

送陳允德

丹鳳翩、別舊枝我來分袂不傷離  
朝廷正是脩文日宰相方當吐哺時江上月明  
潮送客馬頭雲黑雨催詩清秋准擬京華會笑  
解金龜醉一卮

退一步為錢歸菴賦

夢覺紅塵一斛顏便從湖海掩柴關才能莫道

終無忌富貴何如蚤得閒秋水白雲心淡、曉  
霜青鏡髮斑、隣翁不解知人意猶向尊前話  
觸蠻

寄陳孟英

抱道羞彈貢禹冠絳帷移得近仙壇  
灑堅情好通雷義玉潔文章授李盤  
梧上暖雲留鸞鳥鶯洞中香雨長琅玕  
梅花更說西湖好歲晚期君載酒看

壽薛時用

似君才調最堪憐趙璧吳鈞在眼前  
莫羨臧來



纔五日桃花開過又千年珠璣唾落紅塵外玳  
瑁筵開綠水邊直把南山祝君壽年、同醉早  
秋天

和項日章見寄韻

中酒高眠未裹頭滿庭黃葉走清秋十年故舊  
來如夢百歲光陰去若流移床就了梧桐井濯  
足看雲杜若洲虎卧龍跳今入妙惟應道士得  
相求

送錢伯常

若祖而翁術最精君才能振舊家聲尋常施藥

誰圖報多少貧兒得再生杏對種連三晦宅鶴  
書飛下九重城贈行媿我無他語醫國殷勤答  
聖明

寄薛時用

折梅曾送上輕車回首那堪又歲除南去鄉關  
千里夢北來鴻鴈幾封書故家文獻君能繼前  
輩功名我不如賓館舊時風月在莫彈長劍嘆  
無魚

賦瀛洲壽友人

綠髮仙人閃電眸玉皇新賜住瀛洲琅函寶軸



三千字明月清風十二樓海上白波曾作地洞  
中瑤草不知秋逡巡酒熟無几客只與風流學  
士遊

挽陳學士緝熙父母二首

烏鵲橋邊屋數椽曾聞教子似帝賢蠅生玉上  
終非玷鶴化遼東已是仙風木含悲依舊壠  
花流綵到重泉玉堂學士碑文在芳譽從教百  
世傳

九重霄漢使星飛迎得魚軒海上歸綵線未閒  
今日手剪刀曾斷舊時機龍香

御墨推恩重雪色江鱗入饌肥忽報萱花零落  
盡令人惆悵欲沾衣

題月舟上人所藏沈觀菴同齋父子詩画  
爐烟僧舍坐遲遲共羨詩翁出語奇方外有山  
棲惠遠人間無處負鍾期千金舊紙丹青在一  
片閒情父子知為問能言遼海鶴歸來城郭定  
何時

遊西湖和劉邦彥韻

簫管誰家隔岸吹繁華如舊不曾移湖清洗盞  
何嫌數山好還舡不厭遲醉裡唱酬無俗客老



來行樂遇清時垂楊解管人離別明日煩君贈  
一枝

遊湖後有懷劉邦彥

六橋之名聞古今春明况復堪幽尋舡頭看山  
若看画席上得詩猶得金梅花相映鬢絲白湖  
水不如人意深歸來僧舍抱琴坐一夜月明懷  
賞音

古狂為陸言符賦

浪跡江湖幾十春此生落魄許誰倫接輿高士  
為前輩荷鍾先生見後身行處一杯長在手醉

來雙眼便空人扁舟昨日山陰過書法親傳習  
季真

題孫大叅所藏王舜耕山水

筆底能移造化機王郎全似米元暉渡頭松葉  
雲來暗洞口桃花雨過稀啼鳥不驚山客夢浮  
嵐常滿寺僧衣披圖莫恠頻興感記得釣簾坐  
翠微

慰沈石田哭子

丹穴雛飛日影昏忘情誰復是東門紅顏父哭  
千金子白髮翁傷四世孫庭下牽衣空入夢案



頭翻墨尚留痕北堂早晚春風動又見宜男發  
舊根

醉漁為周宗道賦

白頭漁父酒為生曾向江潭笑獨醒狂藥入唇  
甜似蜜泰山開眼小如屏春眠衣濕桃花雨晚  
嗽舟橫杜若汀回報武陵溪上客婦言從此不  
須聽

賦得漁庄歸興送周宗道辭館

昔歸真舊漁磯白首沙頭賦式微檣鴈碧人  
語海鷗識我不驚飛青山影裡遯明月

斗聲中醉落暉明日仙源問消息桃花飄滿綠  
蓑衣

送表兄吳士明還海州

閭門楊柳曉依依此日那堪悵遠滄鴻鴈及時  
皆北度鶴鷁隨雨獨西飛壯年莫使塵星劍清  
世無勞賦式微慚我明年朝  
帝闕尺書休遣寄來稀

題范伯和西齋別意卷

三年賓主重交情此日携書問去程冬被有心  
温阿母春風無意及諸生西齋雪後雙扉掩南



澤烟開一棹行遙想承歡多暇日石田重向故園耕

送鄒克明

康莊千里淨浮埃匹馬翩：上鳳臺烏帽曉沾花露重玉鞭晴拂嶺雲開孝親克盡居喪禮報國寧無濟世才入覲擬承前席問漢庭重見賈生來

水雲為方志清道士賦

片影無心入翠微貝宮應是好相依葛陂浪濶從龍去遼海風清伴鶴歸河伯不嫌迷曉夢水

仙曾借補春衣我來何處尋踪跡直過漁翁舊釣磯

陳醒菴嫁妾以詩嘲之

不比王嬙嫁紫臺画橋東去即天台白鵝自喜今朝放紅藥從教別處開熏被香寒空結夢凌波襪去易生埃出門更囑勒針線先製斑衣贈老菜

抱鶴子為顏公懋賦

風流扁鵲世間稀仙術能馴兩令威山館此時閒抱弄洞天前日借騎歸童顏色映丹砂頂老



眼光搖白雪衣一笑放回花徑去數聲清淚送  
斜暉

贈顏公懋幼子

五十年来髮未絲手中再弄玉麟兒誌公已恨  
摩挲晚宣父應憐拖送遲紅錦被香還共臥紫  
羅囊解不須悲待看長大承家業接武巖君作  
世醫

壽陳紹先九十

通波坊下水潺湲隔斷紅塵市上喧閱世已過  
三萬日著書不特五千言碧桃和露開仙府翠

竹凌霜老故園聞說頻過蔡經宅可能容我借  
飛軒

草庭為周公瓚賦

隱居原住白鷗沙祖武能繩士共誇窓外一庭  
皆是草眼前無地更栽花幽香入夜牽新林夕生  
意逢春滿故家物、由來含太極坐看潭忘髮  
毛華

南園雜集圖

冠蓋從容載酒過景星威鳳照靈籙良工粉墨  
圖西洛內史文章紀永和滄海莫言歸客少白



頭翻喜故人多風流回首今何處一半淒涼薤露歌

壽張致和六十

世業傳來二百秋至今方藥任人求庚申昨夜誰留意甲子今年又起頭盡說神仙棲碧海那知城郭有丹丘浮生莫問青瞳壽十屋纔添第  
一壽

琴月為杜弦之賦

吳剛久慕伯牙名飛下南陵照紫瑤合璧銜文千古在孤桐仙桂一般清山河影裡秋鴻度霹

靄聲中玉兔驚曲罷同觀羽衣舞又翻新譜到吳城

喜宗弟以則以勉迎候沙頭

咲携諸子出烟蘿候我應憐百里過瑪瑙杯深慚量淺棣棠花近覺香多青山不晉人間事白日渾如海上波明發孤舟南浦外一聲斷鴈亦愁何

宿虎丘留題清慧堂

休官無事不從容况復相逢是贛公七里青山西郭近一宵禪榻故人同燈前筆洒金壺墨衣



上塵空玉塵風明日遊踪又何處真成雪渚集  
飛鳴

松竹為節婦壽

蕭蕭翠竹映蒼松正與共姜節操同白鷺不歸  
無別夢綵鸞飛去有清風凌霜老幹逾千載得  
雨新梢出半空此日慈顏增喜氣歲寒生意滿  
圖中

張真居墓

龍井親分水一杯風篁嶺下重徘徊青牛去後  
人何處碧草深時我獨來劍氣消沉寒燄起瑛

香齋冥斷猿哀松邊愁聽耕夫說昨日丹經出  
夜臺

謝人彩箋

數幅含香質更華寄來新自浣溪涯素逾陰壑  
三冬雪紅奪春江一片霞拂拭頓輕南國纈寶  
藏不異玉堂麻他年擬寫天人策拜上唐堯  
聖主家

送沈元復歸

齊女門邊酒一觴別情離思兩茫茫春風游子  
衣將換暮雨王孫草漸長寶劍此時磨赤土塵



纓何處濯滄浪到家惟有雲一色依舊青一對  
草堂

挽趙孝子

越山尋遍又誰知不見慈親誓不還萱草幾年  
空入夢彩衣何處送承顏整裘獵：秋風裡孤  
棹匆匆夕照間畫錦坊前迎拜處忍看和淚說  
間關  
白髮迎歸願已伸故園遺業喜猶存風塵始歇  
今朝淚子母重全舊日情十里路遙江自汲一  
冬天冷被常溫最怜歿後衆旌義千古人傳孝

子門

倪氏居安堂

茅屋無多地不寬住來三世得平安青囊已授  
嚴遵術白髮羞彈貢禹冠咲對落花時鼓腹坐  
臨盤石更持竿兒孫只解充耘耔不識人間道  
路難

留題寶濟寺

霞彩烟光照髮絲山靈應咲我來遲休官未學  
陶彭澤結社先尋遠法師石上鳥啼花落後洞  
中龍出雨來時登臨已快平生志何必三山與



九疑

贈甥徐有章

渭陽蕭鼓沸樓舡百里來過歲暮天自愧年之  
令白首却憐無忌王青年坐傾竹葉愁如掃吟  
對梅花喜欲顛借問南塘喬木外幾家詩禮得  
相傳

吳節婦

年少家貧失所天粧資都作買山錢義姑有姪  
猶堪倚孝婦無兒最可憐日暮淚痕脩竹上夜  
寒燈影舊機前一從姓字書華表分得恩光照

九泉

題杜東原贈魏友松姊丈山水圖

寄來圖畫憶當年剪水裁雲豈偶然老弟獨憐  
親姊在諸甥多似外家賢暮聲夜襍燈前雨節  
影春分谷口烟存沒于今非画裡松蘿落盡澗  
西邊

題陳啓陽馮山樓

朱雀橋邊紫陌西元龍樓與白雲齊  
吳淞斷醉墨塗山華岳低原上幾年  
邊何處夜猿啼始憐杜甫驚人句錯在劉侯画



裡題

送人之武當

東風書畫滿樓舡問子南遊去幾年白浪夜翻  
京口月綠蕪春醉洞庭烟人間事業渾如夢天  
外樓臺別有仙知我京華相憶甚玉函先寄悞  
真篇

送廣西千戶進表還鎮

龍韜豹畧本家傳况復從儒事簡編冬表捧來  
金闕下春官引拜玉階前一壺曉餞都門日正  
馬寒嘶嶺對烟掌由來丈夫志好將功業勒

燕然

與卜夜話東岳廟

琳館珠宮暫寄身閨風吹盡客衣塵仙翁已作  
清都長弟子能留故國人笙弄緱山花底月茶  
分陽羨雨前春自緣一別曾三載樽酒相將咲  
語頻

徐竹庭水南別業

錦村南去草堂幽一片芙蓉水上頭圖愛玉維  
能自寫詩憐裴迪尚難酬尋盟後浦頻移棹避  
暑前溪別置樓聞說九重頒誥日釣絲千尺未



皆收

哭妹

此兄曾勸蚤休官我已投簪汝蓋棺謝朗句成  
誰與和曹姑書在若為看松楸此日添新塚骨  
無年叙舊歡腸斷金沙湖上路天空月白鴈  
寒

靈隱寺題画

澗橋邊緩步時眼前無處不清竒冷泉只合  
公飲靈鷲惟應惠望知聽法龍來雲漠漠散  
仙去月遲遲老禪一見如曾識半夜挑燈和



完菴集下

和睢陽五老詩

老年林下共消閑羽扇綸巾錦篋冠疏傳早應  
辭漢主管生終愧霸齊桓龍藏碧海雲猶濕鳳  
集丹山對不寒千古高風人仰止莫將圖畫等  
閒看

公館卻金

共誇銜命得南遊君望鄉關只是愁兄骨尚寒  
丘未卜父詩將讀淚先流青燈水驛辭金夜畫  
舫烟江聽鴈秋不似當時南粵使蕭然空索到





蘇州

永思堂

父書祖硯父疑塵一度登堂一愴神四海華達  
全盛日九原難起亂離人寒窓夢逐鍾聲斷古  
墓愁蕪草色新自是百年流澤遠有孫簪筆侍  
楓宸

雪槎

海上仙槎穩駕來滿天飛雪正皚皚人如端木  
花中坐帆似支機石畔回玉盃有香浮簪蕾瑤  
樓無處着塵埃酒酣拍手呼滕六驚起雙鷗過

釣臺

洞天春曉

夫樹山下白雲中花遶仙家第一宮香露未和  
千歲藥碧簫先按五更風瑤臺漏靜河初淡閨  
苑書回日漸紅林屋由來通海屋添籌何必問  
青瞳

見山

君家茆屋對高丘日、湘簾怕上釣子袖不禁  
清淚濕親魂應與白雲游岩前煮茗遺泉眼谷  
口橫琴有石頭最苦清明佳節裡紙灰隨處起



松楸

怡野

百畝私田老自耘  
草堂知不愧移文  
山林有曲歌叢  
桂城郭何人愛白雲  
空靜捲簾延草色  
水邊移席近鷗羣  
春流莫送桃花出  
恐惹漁郎又識君

半隱

故國烟霞衣錦行  
有官誰似一身輕  
搆來書屋鄰江店  
買得瓜田接郡城  
翠袖晚風黃菊酒  
盡舡春水白鷗盟  
期君預拂松邊石  
細說閒情與

世情

澄江草堂

為愛滄浪隔市廛  
便移菰屋近江邊  
朝生別浦舡爭發  
門掩空山客正眠  
陶令自憐諸子懶  
梁鴻不愧老妻賢  
題詩借問能容否  
分我桃花渡口田

墨雲

跌寸曾經遍八荒  
米家收得到文房  
吳繒越縠纔留迹  
素壁高堂盡有光  
晴上玉峯憑鬼穎  
暗棲瑤樹帶龍香  
明朝借看模糊景  
毛骨應添海



氣涼

友琴

千里尋盟到嶧陽  
桐君自此識中郎  
不勞雞黍重相約  
直解褫袍為作囊  
白雪歌詞曾唱和  
黃金世態任炎涼  
昨宵同宿芝蘭室  
分得清風滿石床

友竹軒

歲暮勞君伴比身  
願將膠漆比雷陳  
交來自不令人俗  
老去何曾厭我貧  
運造茂林烟外曉  
問安孤嶼雪中春  
兒孫更有忘年好  
誰為王猷息

獨親

玉澗

友公白馬只虛名  
爭似君家玉澗清  
一道明河天上落  
幾叢幽草雨中生  
直通玄圃常添潤  
斜抱崑山自有情  
我欲臨流分片石  
時來詠濯塵纓

湖湘勝覽

野鶴孤雲任往還  
塵中誰復似君閒  
壺觴聽瑟臨湘渚  
風雨看碑到峴山  
鸚鵡不飛芳草外  
鷓鴣猶在落花間  
何當更鼓征西柁  
劍閣蛾眉次



笑攀

思瑩

拜掃憐君志願違清明時節倍沾衣斜風細雨  
春將莫萬水千山客未歸愁色不隨尊酒散夢  
魂長繞墓田飛孝思贏得賢王筆存没于今盡  
有輝

梅澗

黃孤山下澗西頭清絕偏宜羽客遊百尺飛泉  
雖遶對一枝寒影不隨流風生彩筆詩初就月  
轉離闌笛未休幾度朝元花裡過暗香携得到

丹丘

愛日堂

袞、年光逐水聲高堂人不似錢鏗漸看白髮  
千莖短安得紅輪四角生川錦買將縫綵服江  
流分去煮魚羹最憐昨夜逢長至宮線新添足  
慰情

月舟

法身曾趁木杯浮又駕慈航月下遊出世不求  
千歲藥渡江長載一輪秋桂香飄處清禪夢乘  
影低時歇棹謳物色由来揔虛幻何須重看海



中漚

倚筠

白髮蕭々對綠筠歲寒時節每相親可能一日  
無君子長與千竿作主人刮目忽驚龍角露盡  
簌偏喜鳳毛新客來莫道無花草冷淡交中別  
有春

行臺即事

鴈門迢遞接溪頭驄馬周詢未敢休六月雨晴  
方刈麥五更風冷尚披裘堯祠有像春秋祭汾  
水無情日夜流清世承恩無以報擬圖方略獻

宸旒

皇都勝覽

海內山川摠舊遊舉頭今喜見神州九重黃屋  
霞光繞十二金莖露氣浮  
聖德巍巍齊舜禹臣猷翼翼畫伊周南豐孫子  
才華美奏賦行看動冕旒

春雪

三白曾看臆前又呈祥瑞入新年璫花綴滿  
山中對玉屑鋪平郭外田郢客有詞誇絕妙陶  
家無酒命婢娟老夫宜麥徧多喜一夜挑燈坐



不眠

東園

物外田園倚釣沙不同金谷恣豪華  
兒迎曉日鋤瓜地客背秋風看菊花  
接竹引泉來別澗隔墻借酒問西家  
肩輿記得曾遊樂歸路高吟醉帽斜

天影閣

閣前方沼清無底愛看天光不種荷  
金鏡塵空秋影薄玉壺冰滿夜涼多  
一杯浮處花頻雨萬象呈時水不波  
莫道曹溪在人世上流原即是

銅河

豫讓橋

石梁零落水空流國士曾於此報讐  
言往事自傷來去客青山不管古今  
愁寥寥野廟城南是籍籍芳名史上  
收地下奸回不相見惟應長伴比干  
遊

晉祠

翠琰開遍壁間詩勝景慚余獨到遲  
剪葉尚傳封國事引流空說灌城時  
岩前雨過苔皆濕松上雲來鶴未知  
回首平疇三萬頃令人忽動故



洞忠

路公亭

欄蓋重之倚碧流路公此地昔曾遊坐當白鳥  
高飛處看到青山直盡頭小試暫為栖棘鳳大  
才終作濟川舟我來空切懷賢意一曲陽春愧  
莫酬

郭有道廟

洛城風雨暗殘春心事都將付角巾古道尚能  
黃後進薄田猶足養慈親千金美玉俄埋地七  
石之碑不愧人今日經過拜祠下寒泉一盞薦

香巖

介推廟

當年公子急求賢十里青山一火然主已歸  
曾割股報功空惜有封田無窮祀事出前廟不  
盡哀聲洞底泉寄語題詩來往客藏山回首更  
堪憐

霍鎮

鰲頭直矗倚青蒼為雨長沾古冀方享祭只  
逢盛代受封猶說自前唐衡陽鴈轉遙分  
岳蓮開近送香此日捫參巖北望三呼萬



君王

林塘書屋

閉戶先生厭市廛遠移茆屋住林泉芭蕉葉大  
遮書幌楊柳條長碍酒舡地僻任教魚鳥樂家  
貧只欲子孫賢沙頭昨夜虹光起賴有吹藜太  
乙仙

南湖書屋

南湖風景勝南埵構得幽居近釣沙載酒舡尋  
揚子宅賣書人認鄴侯家承魚較處窓含雪  
蚪攤時燭墮花却咲長安貴遊子輕裘肥馬足

生涯

登穿山

岷立晴沙翠作堆是誰移得小蓬萊雙崖不逐  
秦鞭去一穴渾疑禹鑿開挾雨龍從雲裡出看  
花人自洞中回酒酣倚杖層巔上笑指滄溟水  
一杯

湖山勝覽

子雲清興薄天隨一葉紅蓮汎綠猗赤壁簫聲  
隨月起洞庭帆影帶雲移秦人競引還家日漢  
女相逢解珮時邂逅鵝湖分半榻濯纓還看碧



參差

精忠廟

鄧北師還事已休憑誰重報主君雖洛中故國  
非周上江左新亭半楚囚和議自遺千載辱蠅  
書空送兩宮愁傷心多少英雄淚付與漳河日  
夜流

邊湖草堂

滿壁天光與水光卜居何必向林塘白頭浪大  
墻皆濕紅藕花多夢亦香催稅不驚來縣吏出  
門相狎有漁郎莫教占盡鷗邊地一曲須容督

老狂

友菊

尋盟千里入柴桑交誼曾將比范張四海也知  
多故舊九秋誰與耐風霜酒當佳節須拚醉衣  
到東籬便惹香更囑兒孫為世契莫教三徑綠  
苔荒

聽烏

屋上慈烏夜鳴屋中孝子若為情斑衣已負  
劬勞德白首惟聞反哺聲心逐孤飛來墓側眼  
流雙淚到天明應知汗簡千年後不獨顏烏有



姓名

一松

根盤白石頂垂蘿日、仙跡幾度過一子種成  
如許大四時相對不須多孤標落、紅塵表獨  
影亭、碧澗阿昨夜風前為傾耳蒼官隔座鼓  
雲和

登城樓

高樓百尺與雲齊白首登臨日未低人語亂喧  
城內外客舡都泊水東西空中鐵笛神仙過壁  
上瑤詞學士題画角一聲歸興動醉扶明月下

丹梯

林逋孤山

封禪無書異代知高懷落、有遺詩自憐短棹  
來尋晚不見空山獨以時雪後野梅存舊掃水  
邊孤鶴見清姿城中太守如相過應嘆嚴陵亦  
有碑

宿保壽寺

亂峯孤塔前朝寺借榻曾為半月留莫訝人間  
無質老也知物外有湯休掃花閒坐三生石聽  
雨高眠百尺樓明日臨平山下路多情聊復重



回頭

我從何處寄遊踪  
縹緲城西第一峯  
古寺却慙今始到  
老僧渾似舊相逢  
殘燈隱隱雲籠塔  
仙梵微微月在松  
幾宿客懷眠不穩  
將詩吟到五更鍾

岳王廟

湯陰曾賦岳王詩  
又向錢塘拜古祠  
啼鳥不知征北恨  
悲風長溯向南枝  
碑文剝落苔封厚  
山色荒涼日下遲  
丞相門前人跡斷  
莫言天道竟無知

端午觀兵

佳節觀兵坐將壇  
汾河東畔雨初乾  
備邊已喜皆頗牧  
作鎮誰言少范韓  
碧草送香來綺席  
綠楊分影上雕鞍  
太平不敢忘征伐  
要使狂胡盡膽寒

湯泉

不到叢林又幾年  
湯泉佳景只依然  
浴來且去人間垢  
流出常滋谷口田  
似有硫黃埋厚土  
絕勝瀑布掛長川  
詩脾一飲渾忘渴  
蓓蕾何妨活火煎



脩温公祠

乞得綸音下

帝鄉故家祠宇復生光豐功盛烈恒名世天帶  
深衣儼在堂金石數行書歲月子孫千古奉蒸  
嘗相門陰德培來久更喜朝陽有鳳凰

吳越勝遊

南越東吳一水連寧親兼得覽山川岳王墓上  
無片木范老莊頭有義田花露曉沾題柱筆鷗  
波秋送載書船也知足踪遨遊編歸去文章似  
馬遷

欽恤堂留別程主事源伊

欽恤堂高絕點塵與君同事喜經旬忘年有意  
師東野治獄無心學俊臣河影淡時晨共起漏  
聲殘處夜同巡明朝無柰斜陽裡高柳鳴蟬別  
思新

送陳郎中弟省兄還閩中

兄居霄漢弟閩中南北分違不暫回靈鵲曉聞  
天府裡德星霄聚帝城東杯傳旅館葡萄綠  
夢入鄉山荔子紅明日眷鷓原上別斷雲離思  
兩無窮



送陸德敏省兄還

士衡遊宦住金臺小弟拏舟遠訪來  
戚畹夜深鴻鴈集帝城春暖棣棠開  
香醪對月更酬勸佳句臨風先後裁  
明日分携歸舊隱竹間松下躡蒼苔

送周仲英貢士還吳

翩翩文采動儒紳早歲爭誇席上珍  
領薦已充觀國士還家偏慰倚閭人  
城隅杯酒論交舊馬上山花入句新  
雲路重來勿濡滯丈夫功業趁青春

林書屋

烟霞深處昔移家載去圖書幾十車  
短榻夜分還映雪小園春盡不看花  
問奇人送船頭酒潑墨兒塗紙上鴉  
聞說六經皆載道明時及早事重華

卓筆峯

投來疑是漢將軍高出層巒自不羣  
千古只將天作紙九秋應待鴈成文  
寒姿潤雨流香墨銳影當空破白雲  
欲問山靈暫相借漫書別賦送



河汾

茗溪歸隱

廿年遊宦轉長才忽對秋風憶四腮白髮易催人老大青山應待客歸來籃輿別岸花如錦画舸平湖水似苔好與釣徒閑結社渚雲沙鳥不須猜

楚江秋晚

南浦清霜覆荻花揚帆一半去長沙鳳凰山近猿聲急鸚鵡洲寒月影斜白髮此時傷九辨翠眉何處泣重華天明莫上江樓望滿地秋風政

憶家

桃源圖

樂土移居歲月長洞天原只在江鄉添丁不解移徭役種地何曾入版章絳雪丹成爐吐焰碧桃花落水流香不知送出漁郎後更有誰來醉玉觴

怡菊

洛陽春色揔無緣老圃秋容見獨憐異品種多還買地落英食久自延年譜抄成大寒窓下詩和淵明夕照邊待到重陽情倍好滿簪烏帽醉



陶然

遺安

少小耕鋤到白頭遺危何及遺安優桑麻得雨  
常先種富貴如雲不暇求散步大堤平似掌醉  
騎黃犢穩於舟鹿門風月無窮趣一任人誇萬  
戶侯

挽韓都憲永熙母

苧機聲斷北堂閑  
薤露光陰頃刻間  
龍誥南來三度錫  
颺輪東去幾時還  
秋霜烏咽庭前對  
春草牛眠郭外山  
聞說中丞催召起  
栢臺夜夢

慈頤

挽蔣懷素

紫塞風高髮易華  
歸來長是說天涯  
香浮義井臨官道  
春逐還金到別家  
湖水烟霞紅菡萏  
洞天簫管碧桃花  
如何竟化遼東鶴  
城郭重東事可嗟

挽金副使

解綬歸來雪滿顛  
可堪飛夢入重泉  
風流好客尋常事  
清慎爲官四十年  
孤子不修臨水屋  
故人能助買山錢  
婁江東去愁回首  
宿草寒烟接



墓日

挽魏松軒

七十年過髮未華白雞符夢忽堪嗟衣冠已葬  
滕公室書畫猶存米老家荒圃晚烟迷藥草小  
軒踈雨落松花却思鄉飲歸來日筆架峰前共  
設茶

挽王彥弼主事妻

上韞才華德耀賢幾投簪珥濟顛連音容在世  
萬餘日箕箒從夫十二年錦勅未頒春殿裡瑀  
花先落晚風前銅盤山下堪傷處衰草寒雲滿

墓田

挽胡大本主事祖母

青燈機杼應筦一任秋霜兩髮生閨闈有儀  
堪作範曾玄無數不知名高堂正好娛三釜飛  
珮俄聞入五城泣盡郎官雙血淚報劉何日更  
陳情

挽陳考功父

精神如玉鬢如絲賴厝山中獨卧時俗客不敲  
孫敬戶後生多受鄭玄詩蓉城夜月青驄遠阿  
閣朝陽彩鳳儀嗟我平生慕潛德雨窓纔讀困



翁碑

挽楊少卿允寬

蔡母辛勤謁

紫宸抱痾誰道便沉淪  
遼東化鶴成千古天上  
從龍少一人泣血最憐青  
鎖客撰碑還赴玉堂  
臣西風執紼都門道  
愁見寒雲暗八閩

挽陳文璧

花縣歸來雪滿顛  
薦章重領祚師模  
十年彩鳳來還去  
幾處碧桃榮又枯  
林屋晚風碁局迫  
湖秋水釣舡孤  
南柯夢斷人何在  
泣血爭憐有

阿符

挽張指雲

招隱曾聞是小山  
清風高節迥難攀  
眼看丹鳳上天去  
手指白雲歸岫閑  
洛社衣冠花影裡  
蘭亭觴咏畫圖間  
文郎封後年華老  
夢入南柯竟不還

挽霍黃門父

鶴髮蕭、映葛巾  
終山秀色比精神  
青綾共臥偏憐  
弟白骨能收不  
愁人雲裡鳳翔天  
表近澗邊松老露  
華新黃門封後仙  
遊去紫府瑤臺別



是春

挽母

雲軒流影入蓬山一丈八閭竟莫還白首荆釵  
思儉德青燈態態憶慈顏春風錦誥恩光重落  
日佳城草色閒腸斷處幾多松竹淚痕斑

挽錢汝周二首

雲輜載粟赴三邊曾沐

君王雨露偏忽報故山埋玉對欲將公道問青  
天羊曇醉處十花遠季札歸時一劍懸猶幸謝

家餘澤在封胡羯未盡才賢

高靈多少在鄉評不是當時浪得名世父有靈  
知義姪外親多病賴賢甥壅流蹤去斜通海斷  
岸修來直到城今日昆湖人不見芙蓉零落暮  
烟生

挽福西田上人

纔哭椿公淚泫然可堪今復送西田秋江踏菡  
知何處水閣御盃憶去年一片閑雲誰是主五  
更孤鶴未成眠懸知不散林間社弟子猶能愛  
白蓮



挽夏太常仲昭三首

宮錦團雲稱體裁

先皇親賜老成才春風內殿承宣入曉日南郊  
導駕回星宿何曾離紫極神仙只合在蓬萊白  
頭歸去香山社咲看挑花幾處開

同官十載住京師一片高情我獨知簫管隔雲  
春宴處珮環搖月早朝時墨翻東絹千竿竹燈  
淡西窓數局碁誰道歸田猶有樂勝遊常醉習  
家池

馬經誰復換群鷺故舊其如死別何清淚濕

流不盡殘星落、已無多天邊尺牘催歸鳳水  
上孤城隱去驃日暮不堪東面望玉峯依舊碧  
峩峩

挽張廷儀

足跡當年徧兩京座中賓客盡簪纓韓康嘗藥  
無殊價卜武輸邊有義聲綠渚載花春蕩將木  
樓邀月夜飛觥天公不與人多壽執紼西風恨  
未平

挽顧存禮

多士彈冠入廟廊憐君心獨愛滄浪沒無寶劍



遺諸子生有高風重一鄉窓裡舊書閑夜月草  
邊新塚對寒塘老懷日倍添離恨載酒難尋顧  
野王

挽錢惟孝

富室紛紛愛牡丹似君行義古來難一方大被  
同心臥千里名駒帶笑看華表暮年榮宅里黃  
金前日惠飢寒天邊忽轉哀詞讀風雨孤燈淚  
不乾

挽趙孝子

劍飛秋水鶴離群留得心城南數尺墳在世有名

稱孝子沒身無愧日几嚴君冰霜潔白萱堂節星  
斗光芒棘寺文昨日蝦蚶蚕陵下客悔將春酒醉  
紅裙

挽甘洪濟母

令儀纔說盡含悲閨闈當年更有誰令子未幾  
冠上豸丈夫先夢日中炊回鸞誥下非無日却  
鮮書來是幾時聞說開州增紙價只因人打墓  
前碑

挽甘洪濟父

夜月光搖處土星墮頭不復見躬耕寂居有穴



同姚勗封禪無書異長卿木葉自傷孤子抱笛  
聲偏感故人情玉函金誥天恩重不用鄉評說  
重軒

挽朱主簿

楚招歌斷憶當年謫戍遼陽最可憐衰老不堪  
長作客功名何及早歸田營門曉暮留飛鵬領  
對春風哭杜鵑第四橋頭書屋在幾回愁繫泛  
湖船

挽錢孟書

城南回首不勝愁人自淒涼水自流伯道箕裘

兒莫繼中郎書籍女能收青山雨送佳城暮喬  
木風悲故宅秋幸有賢甥官禁近哀辭先向玉  
堂求

挽史廷桂

松陵誰道是山陽隣笛聲中醉一觴君去不知  
叢桂老枝來空嘆玉琴亡芙蓉秋水新成郭燕  
子東風舊草堂却喜阿戎能盡孝墓碑求得蔡  
中郎

挽李文瀚

一官鄰邑著醫名謝事俄聞失老成北海有書



還在世東垣無藥可回生山塘落日車音絕林  
館西風鶴夢驚千古名知不泯翰林銘刻耀  
佳城

挽伊卿

錦衣華髮老長安濟多儀後輩觀列爵公  
緣有子下人鄉黨似無官芸香畫閣三家  
易乞兩春波一釣竿惆悵鹿門尋藥去仙  
踪不復下層巒

挽陳汝翼食事

胸藏兵甲面飛霜司馬爭誇得季方天討  
夫曾

誅叛逆江波先已陷忠良鷓鴣啼鳥道  
春成血落蛟宮夜有光南望巴江萬餘里  
空懷賈

挽錢惟常

黃金傾盡濟時艱仗義如君古亦難五代  
存譜謀九重新命賜衣冠花潭晚興移烟  
棹鼎春香試月團惆悵只今成死別鴈聲  
何處平安

挽吳永昌

明詔當年下九天便携書劍應求賢詞源  
博洽



三千卷宦轍馳驅二十年仙夢忽隨蝴蝶化訃  
音空託便鴻傳門生多少青雲上極目西江淚  
泫然

挽王先生璠

成均初擢髮如絲共喜匡衡解說詩漫擬雲衢  
終大奮豈期天道竟無知清霄月照良朋夢洛  
日猿兼幼子悲執紼  
楚招歌罷益  
淒其

挽俞欽主事曾祖母

哭夫便欲扣泉扃為撫孤兒死未能不惜春葱

摧白刃肯教尺璧汗青蠅塵埃漠漠當年案風  
雨蕭々此夕燈一自雲輶向蓬島人間清節至  
今稱

挽劉草窓先生

鷓書當日薦才良贏得芳聲滿

帝鄉冰柱雪車無俗句玉函金匱有竒方飛黃  
未展追風足明月俄埋照乘光一束生芻數行  
淚社中文物轉淒涼

和繆郎中尚質致仕韻

兩京遊宦揔相宜白首休官遇盛時



聖主賜歸閒處樂好官讓與別人為織鱗縮項  
留賓煮細米長腰喚婦炊莫道費金成老悖一  
經傳得寧馨兒

錢氏四景

白雲洞

行滿青鞋坐滿床華陽即是白雲鄉煩君借我  
開三畝小試仙人種玉方

碧玉泉

獅子峰頭碧玉泉一泓長日淨涵天清名不到  
茶經上陸羽多應醉裡編

亦奕棋塢

日長何物遣閒情花塢紋楸奕幾枰不似謝安  
淝水上機心一片在秦兵



撫琴臺

喧々甲第響歌鍾古調何如爨下桐坐石休彈  
廣陵散太平惟愛聽南風

夜宴胡尚書宅醉歸

銀燭熅煌照錦衣東風南陌馬駢々金吾不敢  
輕相問知是秋官夜醉歸

題扇画寄沈南齋同齋昆季二首

雪後西庄似輞川泛舟遙想十年前梅花落盡  
城頭角猶自談詩夜未眠

杜若風生捲釣絲青山無數酒酣時如何鐵網

長沉海不寄珊瑚一两枝

送沈石田遊金陵

丈夫安得守節茨西上金陵看絕竒為報鳳凰  
臺上月有人來和謫仙詩

題沈石田画蜀道

休文病起酌清興漫擬王維劍閣圖鳥道入雲  
人不度雪中惟有凍猿呼

題杜東原贈沈繼南竹

延綠亭前月未斜珊瑚玉斝影交加青鸞鳥夜半  
無人管飛過東林隱士家



留別沈繼南

珠出深淵玉出田故家今見季方賢多情最是  
門前柳一繫春風昨夜舟

同徐天全宴夏太常仲昭第次韻六首

席上歡呼總貴郎早春時節醉江鄉要知勝事  
傳千載元老題詩贈奉常

梅花白々柳條新描出江南一片春莫向東風  
惜沉醉與君俱是故鄉人

潮陽太守青雲器鳳閣仙郎白雪歌銀燭瑤觴  
爵金酒好情其柰主人何

寶馬香車看物華春城無處不開花傍人莫笑  
耽遊樂四海于今是一家

風流白傅老詩仙製得新詞教李娟翠袖送香  
來綺席玉杯邀月上青天

甲第如雲枕碧流到門時復有王侯花欄竹迳  
清如洗我亦踈狂五日遊

為邢郡侯題梅

歲寒相見在天涯玉色珠光濕露華却笑玄都  
狂道士梅花不種々桃花

贈馬進士愈



天上歸來思不群，草堂深掩竹間雲。城中紙價  
新來長只為人抄，難蜀文。

祝大參侗軒祖席

詩酒前廳未盡情，更移瑤席向園亭。最憐一  
對垂楊柳，眼為行人特地青。

陳允德湄溪三詠

柳塘春水

拂水垂楊萬縷金，東風邀我一閑臨。巴江昨夜  
消殘雪，添得溶溶幾尺深。

滄洲白鷺

獨立亭中淺水中，頂絲輕颺綠荷風。可憐玉馬  
朝周日，潔白姿容與尔同。

梅崖雪月

冰花滿地月團圓，此夜孤山分外寒。十萬人家  
湖上住，梅花只有老逋看。

謝包山蔣世英橘園

十樹殷勤雨後分，枝間猶帶洞庭雲。懸知秋暮  
山亭上，纔擘霜紅便憶君。

陳公美移居二首

卜得幽居勝瀛西，外家相近好依栖。秋風吹醒



鴛鴦夢隔浦時聞新鴈啼

圖籍紛々共幾車莫言移去少生涯老夫折屐  
無他事只為詩人住浣花

題夏奉常仲昭畫竹

玉鞭催散紫宸朝曾見仙郎馮鳳毛滿院落花  
入不到沉烟飛襲錦宮袍

過周氏姊旌節堂

節婦秋霜兩鬢生弟令休老一身輕老年願得  
常相見煮粥時々慰此情

送弟以則朝覲

江郭新涼雨送秋惠連初向五陵遊行囊苜買  
纏頭錦人在丹陽望麥舟

牧牛圖

牧子驅牛去若飛免教風雨濕蓑衣回頭笑看  
桃林外多少牧牛人未歸

牧馬圖

八尺昂藏骨相奇產來原是渥洼池遠人知是  
朝廷重牽人長安不敢騎

蕭湘別意二首

使者風流絕代無南遊直過洞庭湖綠水洲邊



賦鸚鵡黃陵廟前聞鷓鴣

身在江湖心在朝西風一夜促歸橈楚山迢遞  
重回首數點綠髮烟未消

嚼蟹觀燈

嚼蟹觀燈對舊遊眼前况復少監州也知今夜  
題詩客半賞春光半賞秋

題金仲和所截外祖竹枝

月底曾經宿鳳凰露枝烟葉有餘香誰知一夜  
南園雨散作秋聲湍渭陽

題畫寄友

林館相思月色新柳條空記別時春画橋三五  
江城外何處吹簫醉玉人

贈韓克美

施藥寧論報有無清名傳得滿三吳月明東閣  
梅花底又把奇書教阿符

贈薛時用

三世交來道誼深肯隨時俗變初心相過不欲  
頻沾酒知我歸無季子金

梅花

天上歸來雪盡消東風回首玉人遙月明一夜



江南夢不到西湖第四橋

畫馬

玉輦曾駢出建章  
滿身猶帶御爐香  
將軍昨夜新承寵  
貌得天閑小乘黃

仁內驛

平遙城外草茫茫  
下馬郵亭坐夕陽  
楓葉如花無意看  
只從父老問流亡

題月舟上人畫

靜裡經禪醉裡書  
高風全與衆僧殊  
年來不買人間紙  
種得芭蕉一萬株

折梅士女

玉纖輕折歲寒枝  
欲向東風遠寄思  
為語玉門關外客  
此心清白似當時

遊沙湖

官轍馳驅幾度秋  
沙湖長在夢中游  
重來却被青山笑  
人與蘆花共白頭

銀瓶廟

靈湫白日墮銀瓶  
身命渾如一羽輕  
地下應逢迺翁泣  
只慚生不似緹縈

泊舟垂虹橋



賞酒身鱸敵暮寒垂虹橋上倚闌干行人咲指  
詩翁嬾不向城中訪縣官

題画

鐵甕城頭雲起處金山寺裡雨來時世途不獨  
眼前險君到出門方得知  
溪北溪南雲作團青泥路滑雨漫漫不如扶杖  
且歸去明日好山隨意看

慶樂園

丞相南園綠水濱忍將殘蕪道殘春冰山倒後  
風光別誤殺雞鳴犬吠人

和許太常道中成軒二景

試却緋羅舊賜衣牡丹亭上午風微浮塵不動  
心如洗一曲陽春和者稀

翠幙紅爐晝不寒滿庭風雪任漫漫朝回拾得  
青繡馬尾去掃琪花煮鳳團

寄葉與中二首

一從銜

命出金鑾玉塞迢遙再拜難惟有長安舊時月  
幾將幽夢到乘乾

赤城西去是雲州黍黍高低萬里秋聞說胡兒



晴嵐伏林示中頗牧在邊頭

投贈尚書

當代論賢佐微公更與誰英、瑚璉器落、棟  
梁姿魁選龍頭貴長才虎觀推甘泉芝表瑞阿  
閣鳳來儀俊偉群工讓忠貞

列聖知講經資啓沃視草被恩私玉節朝臨早  
金蓮夜送遲文星長拱北胡騎忽南馳頗牧居  
清禁夔龍集鳳池

萬幾勞損益一代賴維持喻虜頰裁詔磨厲復  
撰碑越裳來白雉韓土獻黃羆古栢風霜老露  
椿雨露滋司徒敷五教少保近三師無逸周公



誠卷阿召伯詩立朝心最赤憂國髮多絲有地  
栽桃李無心識鼎彝六軍休戰伐四海見雍熙  
清廟經營日明堂締構時願將方寸木雕斲藉  
般倅

烟霞洞

古洞饒烟霞得名當不虛茲晨酬素心行々信  
肩輿同遊皆俊彦皎々明月珠飛度入空翠頃  
刻十里餘峯迴見竒觀林壑不可逾再拜瑤草  
間香風吹我裾仙雞喔々鳴中有神所居願逢  
王子喬授我玉函書長年學餐霞衰顏還復朱  
於焉展芳席盡此一日娛嘆彼塵中人長為名  
利拘佳山不得遊白首空歎歎吾徒幸多暇不  
樂將何如

遊袁墓和韻

梵宇西峯下乘閒作勝遊朱陳慚結好李郭喜  
同舟歲稔檢家々樂村深事々幽鹿迎仙旆上花  
逐羽觴流星宿瞻箕尾丹青得虎頭酒腸寬似  
海官况淡如秋閣遂歲諸佛山明麗一州結巢  
懷李白還俗咲湯休已幸此身健聊將清興酬  
入雲疑世隔阻雨是天留醉臥三生石豪吟百



尺樓推窓看溟渤新月掛閭浮

題夏太常竹石和錢原博韻

入城曉訪王子安見此石畔青琅玕手揩老眼  
對立久烟雨滿堂生暮寒低頭便欲拜竒石瑩  
潔渾疑鬼神滌容臺畫筆外臺詩染盡蠻箋二  
方白玉山風月四時宜華亭鶴去無歸期人生  
不及竹與石但見相守無相離出門還與主人  
別歸去山中弄明月肩輿早晚擬重來更爲此  
君歌白雪

題晉陵卞廷蘭祔遠堂

建炎老臣才力瞻曾逐飛龍渡天塹中流慷慨  
擊短楫半夜悲歌舞長劍塵埋汴水雙鬢未復星  
隕晉陵身已空墓前拱木欲干雲地下漆燈猶  
吐燄

百四年在朝在野多才賢或扶

一犁事南畝或跨五馬遊西川次山推轂自翰  
苑博士說書當御筵精修固應人爵至侈報孰  
謂天公偏渠、夏屋江之許題署曾經勞筆虎  
匪誇閎閎逾宗元直恐兕孫敗房杜斯人久矣  
登鬼錄今子卓然繩祖武芝蘭濯、真可愛豚



天紛、奚足數霜毛兩鬢風颭、足跡走徧蘇  
湖州五言乞得庾開府七字無過趙倚樓錦軸  
長箋運粟尾青瑤小楷鐫蠅頭藏家永為來者  
告世德之外將焉求

題畫

休寧大尹神仙侶公暇猶能愛山水曾剪天孫  
機上雲幻出江南數千里餘抗鴈蕩高入空赤  
城霞氣遙相通荷花亂開賀鑑宅麋鹿自走吳  
王宮石掃亂雲枝蟹爪筆踪彷彿營丘老營丘  
去遠真跡空比幅猶為世間寶予家舊宅太湖

濱天上從龍今幾春掀髯一笑寫長句愧尔扁  
舟載酒入

題黃葵贈李

飄、仙袂薰風裡裁得鴛黃蜀都綺前身應是  
古忠臣一寸丹心猶不死休誇魏紫與姚黃此  
花此心長向陽李君之心亦如此為君采擷升  
中堂

遊靈巖和徐天全韵 水龍吟

西郭外許多山問遊人盡道靈巖好看五彩雲  
霞四面峯巒平地聳來蓬萊島有一個名齊八



鄂位過三少續蘭亭觴詠香山歌舞任醉帽欹  
斜不把菱花照曾中風月幾人諳曉一回談一  
回笑洞房冷妖鬼誰弔 寶塔栽上珠林杏七  
次第都遊遍了天賜與散誕逍遙有何煩惱酒  
籌顛倒做席間五言詩料我小子非才乞身偏  
早也得陪元老况白雪詞高黃柑帖妙快人襟  
抱儘強如倒戴山公惹狂童齊拍手襄陽道月  
高時共汎西湖更有弄珠人留住花邊棹

田家行贈嶧縣王大尹

我家嶧縣東去縣三十里倉廩輸官有餘粟兒  
童長大無差使老夫種樹今作綠十年不到縣  
門前大男八郡買田具始知官長去朝天因思  
前年遭亢旱我侯禱雨瓶鉢滿又思去年多蝗  
災我侯境內蝗不來惠澤及民有如此慈母胡  
為離赤子願將政績書數行拜上觀風賢御史  
封章達下情請勿匆匆行

聖皇有冊詔飛下鳳凰城侯有治郡才未許乘  
牛輪侯有調羹手未許登金門但令增秩與加



俸惠我農夫到子孫

挽尤大聲主事父

東隣画樓貯歌舞阿翁積書繞環堵西隣粟換  
金與銀阿翁有粟周飢貧粟能活人書教子翁  
雖已矣名不死褒書一朝天上来金作盤龍玉  
為璽浮雲世事過眼空詩書慶澤流無窮君不  
見雲山翁

元菴墓誌銘附

賜進士太中大夫資治少尹山西等處承宣布  
政使司右叅政致仕同邑祝顯  
徵仕郎中書舍人海虞雋紹榮  
書丹

誥封太中大夫資治少尹湖廣等處承宣布政  
使司右叅政致仕里人徐浦

竹

嗚呼人情莫悲於生別而老尤甚古有是言  
也蓋莫景之人悲感易集於其親知生別且  
然而况與之永訣者乎則吾於完菴之歿何  
如其情也願嘗有詩哭之矣幽堂之石尚忍



銘諸然念其諸孤艱、辭弗獲已乃從錢君  
允言所述事狀書之公諱珏字廷美姓劉氏  
高祖山甫曾祖彥英以上家蘇之常熟梅林  
至其祖希仲號南溪者婿於長洲王氏始占  
籍為長洲人南溪生啓東號梅庄弘毅有謀  
善繼述闢產廣業延師教子家日裕而聲日  
起遂長鄉賦為邑望族公之父也母吳氏大  
行人文華之妹有賢德公自幼秀穎出群天  
性孝友父疾晝夜侍左右湯液之奉浣滌之  
事皆親之母患疽吮之良愈女兄嫁周氏寡

孤無依即養於家買田宅居之復為建白旌  
其門處弟璧尤篤恩義我宣德中郡守况伯律  
辟名家子為從事召之公曰古者儒吏一途  
無臧否人抱全材隨其任使奚其擇今業詩  
書游庠校者為儒執刀筆居公署者為吏所  
入一殊而相去倍蓰吾寧屑就哉乃自上書  
乞從儒守嘉其志許之遂入邑庠脫略故習  
一意於學甫三歲以能經中鄉試升太學景  
泰三年除刑部浙江清吏司主事公以刑獄  
重任盟心自矢以父祖取號之義扁其居曰



清白凡黃緣請謁一切謝之莆田丞某督運  
赴都侵漁不訾事覺就逮當公執訊丞以黃  
金二百兩託公所親朝士賂之公斥去置丞  
於法居憂時鄰邑無錫令某受賕繫獄知公  
與當道故好密遣人齎白金伍百兩求解公  
曰若主欲雪已而免我耶不亟去當執之于  
官其操行之潔大率類此而周人之急成人  
之美則不少靳故凡平生所知後進名士有  
處困約而莫能自振者公皆極力拯之百方  
周旋務欲其成立因之以躋顯融者有之其

人德與不德而公則未嘗少有德色置諸齒  
頰間君子以是長厚稱焉初

朝廷叙公年勞賜勅褒嘉授散官承德郎推封  
其父如其官母為太安人妻安人鄉里榮之  
天順間公起服至 京陞山西按察司僉事  
奉

勅提督屯田所至振風紀革奸弊郡衛敬憚軍  
民畏愛之然公雖倦 職務而雅志不忘立  
壑因奉

表入



朝上疏辭任既得請單車南還送者數千歸理  
舊業以營燕休之所於後圃輦石為山引流  
種對築亭其上號小洞庭日與賓客故人相  
羊其中酒酣賦詩落筆如雨而尤工於画頗  
自矜惜得其手蹟者皆為寶玩武功伯徐元  
玉才高當世少可其意者獨稱與公贈之詩  
曰劉郎書高画亦高當代不獨稱詩豪其見  
重若比郡邑大夫以下咸敬禮之歲行鄉飲  
則先書敦請必欲得公與席而詩壇文社縉  
紳逢掖亦推讓之方期儀刑鄉邦而遷焉告

逝成化壬辰二月初八日也距其生永樂庚  
寅正月十三日得年六十有三配高氏子男  
三正直高所出中貳室顧出皆娶名族孫男  
七傳傳侃侃伸似餘未名孫女十一曾孫男  
二養女適戴淮卜今歲癸巳十二月初四日  
庚申葬公金鷺鄉紫字圩之原祔先妣也于  
與公前後登

朝而聯官藩闈晚歸鄉里情好益篤其第去東  
郭一舍許每入城必過予咲談觴酌留連移  
時不忍舍去一日謂予曰吾始慕名節乃以



節齋自號今欲以完菴易之何如予詰之公曰天完形於上地完質於下而人受父天母地完而生之宜完而歸之其不然者自斷喪耳吾無似幼而學壯而行老而歸身名事業庶幾完全而無虧如玉返璞以全其真完而稱之不亦可乎予以其言有見蓋晚年益進高遠未易量也今而已矣悲夫銘曰嗚呼完菴素尚名節行高四知藝精三絕鍾鼎弗居泉石是娛衆方馳驅已獨舒徐元璧收光韞櫝而蔽我銘孔彰其亡不亡

郡誌附

劉珏字廷美長洲縣人宣德中郡守况鍾簡名家子為掾珏在選中珏言有志學不願吏鍾嘉其志遣補縣學生遂領應天鄉薦授刑部主事遷山西按察司僉事年甫五十懇乞致仕珏性孝友恭謹未嘗失色於人操履清白人不得以私干之至於好學之心老而不倦尤工唐律對偶清麗當時稱為劉八句行草師李邕畫師王叔明皆得古人筆意所著書曰完菴集



劉先生祠贊

鄉貢進士祝允明撰

劉先生諱珏字廷美號完菴初辟郡掾潛白  
太守况君乞從儒遂領薦仕終山西按察僉  
事為政廉簡兩郤重賄出處壯老清白不殊  
搆闢居處潔如仙都詩律有體致說者謂得  
唐風書師趙魏公甚逼似有完菴集

淵泓夷簡疏淡忘榮水石結構笙簧在口大  
雅復作頌人其寬更生之粟里也

完菴詩集後序

取山西按察僉事劉公詩以四卷  
公諱珏字廷美自少志向不凡  
郡守况鍾將引為從事公去於  
以公顧為儒不為吏况以公遂登  
應乞歸薦久之授刑部主事



擢山西按察使事三年上疏  
因乞致仕以陶公有高節清操  
年屆五十朕徒名利而自  
棄於山欵水涯凡有所觸  
一於詩書之精多清妙可  
嘉公又善行草工繪

事公在是斯經殘墨清流  
其下而能云白贈炙人口思  
得此兼觀之則未也弘治壬戌  
公之有孫布智是士始以一編授  
予之疾湫一覽歎其能以眼  
清道會中事法有存人之風



年而平日傳誦之句或不立焉  
乃知公之著述造為多矣其  
亦可惜也雖然漢氏彙編其  
世久公之自以脩然超出埃境  
之表於年是忘之矣公嘗云士  
之保身名當如玉之璧璣乃

為定旨故自號定菴年  
列祀郡學鄉矣之祠云正德  
壬申光祿大夫柱國少傅太  
子太傅兼戶部尚書武英殿  
大學士知制誥國史經  
筵友教仕王鏊序





